

2
94

增默庵文集

張琴題簽

蘭石先生遺像



自贊

蘭生有芬

石文而醜

我思古人

元有斯守



增默庵文集敘

自余勝衣就傅則聞邑先輩 郭蘭石先生書名滿天下清風峻節馳譽詞林心竊慕之弱冠後漸收藏先生墨蹟以爲臨池模楷光緒甲辰年遊京師釋褐後同館前輩時以 先生遺墨相詢於是蒐羅益勤篋中所藏日益富蓋自嘉道而後藝苑風流至今未墜也惟 先生著述傳本絕少以未窺見爲憾庚午年門人郭生郁庭先生曾孫也以使蜀日記一卷增默庵詩集二卷芳堅館題跋一卷見贈且曰 先大父子壽公嘗輯增默庵文集尙未付梓今年始付聚珍鉛印屬爲序以廣其傳余受讀而卒業焉其爲文和雅雍容理充而旨約雖率然酬應而屬辭比事必有關於世道人心當時桐城派古文風靡一世 先生未嘗依傍門戶而義例森嚴深得唐宋人家範其駢文沈博淵粹若殷敦郛鼎不廢雕鏤而古意盎然非世之雜博者所可擬特書名藉甚四方碑板求 先生文者必欲兼得其書而文名轉爲書名所掩耳嘗論清代詞科爲預儲相才之用士之與是選者優以賓禮不責以吏事故能相

厲以學術相尙以氣節而無夤緣奔競之習 先生英年擢高科文采照耀王公貴游皆折節下交使稍剝方隅卿貳可以立致乃嶮然不滓與松桂爭寒至姓名自結主知天子前席駸駸嚮用而 先生已不及待矣吾閩當嘉道朝文學侍從之臣以功業著者首推侯官林文忠公 先生齊年深交同在詞館平日以經世之學相切磋凡輿地河渠象緯掌故靡不兼綜條貫有裨實用文忠嘗誌諸墓矣其在蜀也與鄂澗泉制府商辦團練著有明效卽爲湘陰湘鄉團練平寇之嚆矢臺灣愚民倡亂朝旨欲令大臣督師 先生以爲寇不足平卒如其言臨歿猶索觀臺灣邸報不言家事使天假以年不難與林文忠並驅中原如李郭之興唐韓范之佐宋而 先生僅標名於文苑傳中蓋幸生無事之時也 先生歿於京寓年四十八其長君子壽年方六歲琴書散失平時稿本慕 先生書者皆陰持以去所存者什不及一道光間龍巖魏笛生刻郭大理遺稿八卷由故舊抄寄故壽文墓誌獨多此篇爲子壽重輯得古文三卷比魏刻多十五篇駢文五卷比魏刻多四十篇郁庭又搜求各家遺

案出之弟子記云莆田郭蘭石太史為
先友偏修十二年不遷以呼為金不換以偏修七品戴
金頂帽也天以昭其德修撰立鐫在
館十年不遷人呼為石敢當以修撰六品
戴車礪頂俗稱石頂也金不換石敢
當乃稱巧對



蘭石公年譜

曾孫嗣蕃郁庭謹纂

世系

高祖諱雲鵬號果軒國學生先世自河南固始徙福建長樂再徙莆魏塘宋元間

世祖義重公 道卿公 廷煒公皆旌表孝子稱雙闕郭氏明季分居江頭又徙

南箕 果軒公以孫貴贈文林郎溧陽縣知縣重纂福建通志孝義有傳

曾祖諱文炳號七澤郡增生以子貴贈文林郎溧陽縣知縣重纂福建通志孝義附

父傳

祖諱占選號可園乾隆庚辰舉人特授江蘇溧陽縣知縣調授無錫縣知縣歷任如皋碭山安東江都桃源丹徒東臺上海等縣知縣江寧府南捕通判徐州府鹽捕通判陞署鎮江府海防同知丁酉庚子江南鄉試同考官勅授文林郎以孫貴例贈資政大夫大理寺卿加二級遷居城倉邊巷重纂福建通志入良吏傳江蘇溧

陽縣志無錫縣志俱入名宦傳

父諱捷南號仲伊附貢生推舉眞品實學以子貴例贈資政大夫大理寺卿加二級
著有易要詁二卷禮記要詁六卷四書要詁三卷律呂考一卷叢書守雅集五卷
近光樓詩文集若干卷遷居城書倉巷重纂福建通志孝義附 果軒公傳

公諱尙先字元開號蘭石一字伯抑父行一 仲伊公長子嘉慶丁卯解元己巳進
士改翰林院庶吉士散館授編修累官左贊善洗馬侍讀右庶子侍講學士光祿
寺卿轉大理寺卿歷充國史館文穎館治河方略大清一統志明鑑纂修官文淵
閣校理本衙門撰文教習庶吉士貴州雲南廣東山東大主考四川提督學政稽
察右翼覺羅官學武殿試讀卷官恩監考試官誥授通議大夫入祀四川名宦祠
著有進奉文一卷日講講義一卷使蜀日記一卷芳堅館題跋三卷增默菴文集
八卷增默菴詩集二卷芳堅館印存二卷清史入文苑傳重纂福建通志福建新
通志俱入列傳

編年

清乾隆五十年乙巳一歲 是年 祖可園公任溧陽縣知縣 考仲伊公 妣吳

太夫人均隨侍九月初五日酉時 公生於縣署 是歲候官林文忠公則後生 太夫人貽贈編修

吳穀祐公女

五十二年丁未三歲 隨任之無錫

五十六年辛亥七歲 七月三弟尙英生 按次弟尙坤早殤生卒年月無可考 吳太夫人出尙英字元桓

號蘭懷嘉慶癸酉拔貢有詩名

五十七年壬子八歲 六月四弟尙度生 庶妣王太孺人出 太孺人江蘇東臺

縣人尙度字元起號蘭雪從九品

嘉慶元年丙辰十二歲 十二月二十四日 祖可園公考終里第 可園公歷官

三十年以年老引疾歸卒年六十七

二年丁巳十三歲 葬 可園公於西關外鬱泮山祔 七澤公墓

五年庚申十六歲 應童子試學使中允錢公福祚取進府學第二十一名福祚號
雲巖浙江嘉興人乾隆庚戌進士時甌寧中書萬虞臣_{世美}先生主講興安書院
深器重之

十年乙丑二十一歲 十一月初一日 祖妣陳太夫人卒 太夫人陳漢東公女
卒年七十

十二年丁卯二十三歲 應鄉試中式第一名正主考刑部正郎彭公希濂號修田
江蘇長洲人乾隆甲辰進士官至刑部右侍郎副主考翰林院編修白公鎔號小
山順天通州人嘉慶己未進士官至工部尚書房師大田縣知縣白公鳳江蘇陽
湖人乾隆甲辰進士

是科莆田中式四人陳公雲章陳公池養陳公弼資與 公同雋雲章號秋河官
江西甯都州知州池養號春溟官直隸武邑縣知縣弼資號星潭大挑知縣
邑令張公均字芳山漢軍人建擢英書院延閩縣進士何恆鍵爲山長 公肄業

院內學大進張公深器之及 公領解首張公以解元扁額懸掛院內士林榮之
冬計偕入都至蘇與陳公池養同行

十三年戊辰二十四歲 會試報罷留京與鄉舉同年闈縣張公向辰同邑陳公雲
章陳公池養陳公弼資五人爲文會 公寓內城張公均家間五日一至莆陽館
會譚晚宿館內與諸同年說經史天明乃去未幾館大學士盧文肅公蔭溥家蔭
溥號南石山東德州人張公均與爲姻戚因薦 公爲子弟師

十四年己巳二十五歲 會試中式殿試二甲第三十名登洪瑩榜改庶吉士派習
國書總裁大學士費公淳號筠圃浙江錢塘人乾隆癸未進士尙書王公懿修號
春甫安徽青陽人乾隆丙戌進士侍郎英公和號煦齋滿州正白旗人乾隆癸巳
進士閣學貴公慶號玉山滿州鑲白旗人嘉慶己未進士是科莆人陳公雲章陳
公池養又與 公同雋

是年三弟尙英應童子試學使葉紹本取進府學第八名

十五年庚午二十六歲 留廉常館

十六年辛未二十七歲 散館授職編修是秋同年陳公池養奉直隸按察司委赴武清覆審高六毒韓貴興案檢驗無毒既而事交刑部鍛鍊成毒誣原審武清知縣孫咸寶得賄池養時令隆平解職質證事急時 公與白公鎔極力救援得交部議處孫遣戍吏部議池養革職 公之篤於友誼者如此是年作斫竹記

十七年壬申二十八歲 是科林公則徐成進士改庶吉士與 公交莫逆相與研究輿地象緯及經世有用之學盧公蔭溥喜談掌故公餘招 公及則徐集一小樓讀至移晷他朝士罕與焉是年作思無邪齋自箴除夕前二日題文衡山徵明行書九歌長卷

十八年癸酉二十九歲 充貴州鄉試正考官副考官爲編修程伯鑾 公悉心校閱所得皆知名士伯鑾號次坡四川墊江人蜀中新入學者例有紅案費寒峻以爲苦伯鑾官御史時嘗以入告及 公後督蜀學始裁之有鄉試錄序是年代作

程次經母余太宜人八十壽序代作閩縣同年葉培根申 母曾太宜人六十壽序有楊老驛次次坡前輩韻詩著有使黔日記

按使黔日記存鄭開禧都轉處都轉嗣君旄以郎官出守浙處州城陷於匪囊橐蕩然日記不知落誰手也開禧號雲麓龍溪人喜公詩文收藏甚富有虛受齋鈔本許祖滂增輯公遺著多本此

是年三弟尙英中拔貢學使爲庶子方振

十九年甲戌三十歲 是年作同年侯官廖儀卿鴻藻 鉦夫鴻荃 封翁陸峯岡陵 先

生七十壽序又作同年陳星潭弼賁 封翁魯齋嚴 先生墓誌銘

二十年乙亥三十一歲 充國史館纂修文穎館總纂與修治河方略大清一統志

諸書十月十六日姪熙齡生三弟尙英長子熙齡字子敬附貢生是年二月作座

師王春甫懿修 先生八十壽序

二十一年丙子三十二歲 充雲南鄉試正考官副考官爲中書聞人熙榜出所得

士皆學使顧莪所獎許顧所未識僅七人而明經居其三可謂酸鹹同嗜矣顧莪號南雅一號吳羹江蘇吳縣人工詩文善書畫公在都十載與莪氣誼最契至是同省衡文相得益彰云有鄉試錄序及跋唐瘞琴銘

二十二年丁丑三十三歲

是年作侯官林少穆

則徐

封翁陽谷

賀日

先生七十壽

序

二十三年戊寅三十四歲

充明鑑纂修文淵閣校理是年大考翰詹盧公蔭溥以

公與考奏辭閱卷仁宗檢原卷覽之謙蔭溥曰汝家西賓寫作俱佳必在前列宜汝之先以遠嫌辭免也閱卷者因是競覓公卷誤以書法近似者當之而公反乙置焉上雖未加特擢然已深信其絕無奔競矣十二月作座師白小山銘先生五十壽序又代作李硯雲鴻瑞先生祭文秋日題唐李靖碑

二十四年己卯三十五歲

閏四月十九日

元配陳夫人卒於京寓

何年來歸無可考

夫

人陳君麟公女生長男慰祖

生卒年月無可考

長女來璋俱殤卒年三十六爲作祈佛疏

派教習庶吉士充廣東鄉試副考官正考官爲修撰吳其濬榜後有以同鄉來謁者持白金八百爲贄 公力辭不受有鄉試錄後序是年作座師彭修田希濂公

神道碑有飛來寺次吳淪齋其濬殿撰韻詩又有十一月六日臨淮書壁詩

二十五年庚辰三十六歲 正月初六日 考仲伊公疾終里第享年六十一 公

聞訃奔喪回籍與諸弟日侍 吳太夫人起居八月誥贈 祖可園公 考仲伊

公皆奉直大夫翰林院編修加三級祖母母妻皆宜人

道光元年辛巳三十七歲 蕭大饑 公告於當道勸富民出粟有差官爲設廠減

價平糶仍返其本於富民出粟者日益衆貧民以濟皆曰郭太史活我章程皆

公手定後此平糶胥倣焉作興化平糶題名記

是年改葬 高祖果軒公先是 果軒公墓在青山山尾城山圯將及墓 公卜

地於秀郊山奉 果軒公及二妣改葬焉十一月奉 考仲伊公柩葬於文賦里

瑞井山同年錢塘戚人鏡作墓志是年作李硯雲鴻瑞先生墓志銘三月四日題

顧吳羹菴先生書孝經

二年壬午三十八歲 春服闋正月九日題自書米襄陽書評花朝題自書平糶記

石刻拓本四月就倪竹泉

琇

觀察聘主講廈門玉屏書院廈門志寓賢傳稱其善

教是月題王雅宜楷書冲虛經又題祭季明文秋繼娶 黃夫人來歸 夫人國

學生黃景耀公女與 側室黃宜人重纂福建通志賢淑福建新通志列女賢明

俱合傳冬入都補原官是年十月十九日舟次洪山橋作福清郭韶溪

龍光

先生

詩集序又跋爭坐位帖過建寧書鄧貞女事十一月八日十一日十二月九日俱

跋論坐帖

三年癸未三十九歲

派教習庶吉士是年作李蘭屏

彥彬

蘭卿

彥章

母陳太夫人

七十壽序又作同年侯官葉培根

申蘊

母曾太夫人七十壽序代作王石臞

念孫

先生八十壽序作同年陳春溟

池養

封翁鐵山

君選

先生墓志銘又正月二十八

日題徐淞橋臨磚塔銘小除跋十三行十二月十二日題李忠毅

長庚

自書詩册

四年甲申四十歲 四月作同年錢塘戚蓉臺人鏡母蔣太恭人七十壽序太恭人

教子甚嚴每遇招飲輒問曰是往郭蘭石家否或設席亦必問曰是請郭蘭石乎

公爲人所重如此是年花朝跋新羅朗空大師塔銘清明跋唐麻姑仙壇記閏月二十日題潘劍門畫冊重陽跋唐元祕塔碑

五年乙酉四十一歲 是年代作晉江許萊山邦光母林太恭人七十壽序

按萊山官至光祿寺卿爲學根柢經史獨推重 公收藏遺稿甚多子祖滂號

澂甫拔貢生刑部七品京官娶 公第四女與 子壽公增輯遺著漸臻完備

春分日跋邵文莊寶詩翰真蹟五月跋唐孔子廟堂碑城武本臘月朔日跋墨池

堂帖

六年丙戌四十二歲 公在翰林卽留心時務時臺匪滋事大吏奏請欽差大臣帶

索倫兵征勦 公以爲臺灣自朱一貴倡亂不旋踵撲滅今雖竊發實不足平何

必勞師糜餉已而臺灣告平大吏亦奏止欽差大臣兵是年始行海運門下士戶

曹某謁見 公問曰現海艘抵天津者幾某不能答 公曰豈有曹臣不諳部務

乎現止到八艘余甚憂之八月代作龍巖魏笛生茂林比部五十壽序

按笛生與 公鄉會同年官至通永河道在京師同居者二載比鄰而居者三載交誼甚篤自潞垣請退後寓居江蘇泰州搜輯遺著顏曰郭大理遺稿梓以行世風誼之敦摯弗可及也

十月二十六日書余淡心懷東山談苑八卷後小雪書黃岡王行甫耳談十五卷

後有送李蘭卿彥章侍讀守思恩詩十月二十八日跋唐昭仁寺碑

七年丁亥四十三歲 掌院曹儷笙振鏞太傅以 公在本衙門撰文最久擬京察

一等力辭之六月二十四日次男錢齡生於京寓小方壺胡同 黃夫人出

按 公有男二女六長男慰祖殤 陳夫人出次男錢齡字子壽 黃夫人出

廩貢生浙江候補同知著有周易從周九卷筮法從周山民學筮草周易從周述正易林伐山讀左疏證各一卷吉兩山房詩文集山民隨筆各十卷福建新